

Goran Salihović, predsjednik Općinskog suda u Sarajevu

Bili smo u pravu za nacionalizirane stanove

Njihova uknjižba nije moguća ako se u isto vrijeme ne vrši upis u grunt zamjenskog stana za bivšeg vlasnika

Zakon o otkupu stanova na kojima postoji stanarsko pravo u FBiH nosiocima stanarskog prava u nacionaliziranim stanovima omogućio je otkup tih objekata. No, njihova uknjižba nije moguća ako se u isto vrijeme ne vrši upis u grunt zamjenskog stana za bivšeg vlasnika.

Prema riječima Gorana Salihovića, predsjednika Općinskog suda u Sarajevu, ova institucija u prvostpenom postupku odbila je uknjižbu nacionaliziranih stanova, jer se prema Zakonu to nije moglo uraditi.

- Pokazalo se da smo mi bili



Salihović: Poštivali smo Zakon

u pravu, jer su stranke nakon što smo mi ih odbili, imale pravo da se žale Kantonalnom sudu u Sarajevu, koji također nije prihvatio njihove žalbe. Osim toga, i Ustavni sud FBiH potvrdio je svojom odlukom da smo mi bili u pravu - kaže Salihović.

Naglašava da su iz tog razloga on i njegovi službenici iz gruntnovnice bili pod pritiskom, jer nisu htjeli kršiti Zakon.

- To je svima poznato. Mi smo, jednostavno, samo radili prema Zakonu, koji možda nije najbolji, ali se mora poštivati - pojašnjava Salihović. *Az. D.*